

湖廣通志



湖廣通志



長沙府文類

本府 長沙善化縣附

唐

戴氏堂記

柳宗元

弘農公刺潭二年因東城爲池環之九里丘陵林麓距其遠矣
島洲渚交其中其岸之突而出者水縈之若袂焉池之勝於
爲最公曰是非離世樂道者不宜有此卒投賓客之選者
戴氏曰簡爲堂而令居之堂成而勝益奇望之若連艦縈
波上下就之顛倒萬物遼豁眇忽樹之松柏杉櫟波之菱芡
葦鬱然而陰燦然而榮凡觀望浮游之美專於戴氏矣戴氏以
文行累爲連率所賓禮貢之澤宮而志不願仕與人交取其
遜受諸侯之寵不以自大其離世歟好孔詩書旁及莊文莫不

通志卷之五
總統以至虛爲極得受益之道其樂道歟賢者之舉也必以道
當弘農之選而專茲池之勝豈易得哉地雖勝得人焉而居之
則山若增而高水若闊而廣堂不待飾而已矣戴氏以泉池
爲宅居以雲物爲朋從摠幽發粹日與之娛則行宜益高又宜
益峻以道宜懋交相贊者也旣碩其內又揚于時吾懼其離世
之志不果矣君子謂弘農公刺潭得其政爲東池得其勝授之
得其人豈非動而時中者歟於戴氏堂也見公之德故不可以
不記

嶽麓寺記

李邕

夫有天之道也東仁而首西義而成故濔泰所居指於成事者
已定之德也川浮而動麓鎮而安故耆闕所歸取於安定者曰
寺大哉成宜玄同是以迴向度門纏繞郭右仰止乎城列

岩巖峯峯爰纂於大虛道樹紛紛於層嶺無風而林聲蕭瑟不
 月而和事澄明化城未真梵天猶俗名種殆絕地位當高者不
 其盛觀麓山寺者言大始四年之所立也有若法崇禪師者據
 錫江右徐結澗陰雲與炎漢太宗長沙清廟棟宇接近雲霧晚
 冥赤豹文狸女蘿蔭帶山祇見於法眼竇后依於佛光至諸舊
 居特爲新寺禪師洎翌日弘聚謀介衆表之明詔行矣水泉有
 制立壺盡平太康二載有若法道禪師莫知何許人也點受舊
 印深入證源不壞外緣而見心本無作直性而注福河大起前
 功重啓靈應神僧銀色化身丈餘指定全模標建方面法物增
 備檀供益崇廣以參雲之臺疏以布金之地有若法悠禪師者
 江夏人也空慧雙銓寂用同轡慈目相視淨心相續綜覈萬法
 在佳一歸註大道經究上乘理永託茲嶺克終厥生逮宋元微

中尚書令湘州刺史王公諦僧虔右軍之孫也信尚畝田作爲
塔廟追存實相加名寶山矧乎弓冶筆精陶甄意匠留書藏石
緘妙俟時候法宇之傾低期珍價以興茸遠慮將久遺事未彰
梁天監三年刺史夏侯公諦祥了義重玄別構正殿紹泰二年
刺史王公諦淋律師法賢或在家出家或聞見眼見建涅繫像
聞耳露諸長沙內史蕭沈振起法鼓弘演梵言繼捷提於景鍾細
貝葉於管閑陳司空吳明徹隋侍中鎮南晉安王樂陽王並佛
性森然國禎秀者壯迴廊以雲構蔚懸居以天覆開皇九年天
台大禪師守護法身澄清悲海嚴幢標聳智人勸明襲如來堂
坐法華定四行樂而不取三賢登而更遷有若曇捷法師者伐
林及樹染法與衣不墜一滴之油有霜大根之雨總管大將軍
齊郡公權公諦武福德莊嚴喜惠方便疏爲四部鎮重百城有

若智謙法師者願廣於天心細於氣誦習山頂創立花臺有若
摩訶衍禪師者五力圓常四無清淨以因因而入果果以滅滅
而會會如如有若首楞法師者文安畢通道釋後得遠涉吳會幽
尋天台法界圖於剡中真訣論於湘上具究竟戒敷解說遊一
法開無量之門一音警無邊之衆方等有以復悔雙林有以追
遠並建場所互爲住持維缺禪師者迹其武憑其高超乎雲門
絕彼塵網深以爲性有習道有因止於心反於照習也者坐乎
樹居乎山因也者固習而無因則不住因而無習則不證是浮
漚和正覺何若冥搜相息而精進甲堅受除而煩惱殼散百川
到海同味於醎千葉存蓮比色於淨起定不離於平等發惠恒
及於慈悲故能聞者順其風觀者採其道牧伯萃止皇華游臻
啓林香之上緣托成佛之嘉願上座惠果寺主惠曾都維那與

哲等皆靜慮演成妙輪轉次因差別而非法隨品類而得根去
二見而入流率一心而辦事咸以形勝之會如彼脩行之迹如
此而封碑未勒盛業不書安可默而已哉將何以發揮頌聲披
揚宿志者也司馬西河賈公名彥澄碩德高聞紹賢遠識器宇
嶷厚檢操冰清屬以師長闕官攝行隨手以公而形於孝友以
已而廣於詩書以重而雅俗自興以明而至道不一若且猶歸
心淨土模範佛乘摧驕慢之外幢興開示之真語爰謀群吏乃
命下僚顧蛟山之易夜笑龍宮之難紀其詞曰天地有象
聖賢建極宴坐中岩西域後代襲武前良作則安樂是依
靈鷲是式一相宣契三歸頌塞金方置廟衡麓開湯龍象
擁錫入天護香鬼神賜土靈化度堂重鎮牧伯上游侯王光昭
法侶大啓禪房幽谷崇山右峙瞰郭萬家帶江千里玉

水布飛石林雲起雷激庭際月窺窓裏花臺隨足天樂盈耳
四人與地靈心將法滅跡往在此北明齊哲佛日環照午車結
轍連率順風驅驪欽烈訪道追勝形馳自絕碑板莫建軌
物未弘和合是請佐貳是膺政敷大郡信發廣乘願言有述以
訪無能惟石可久與山不崩

宋

嶽麓書院記

張栻

湘西故有藏室背陵而向壑木茂而泉繁爲士子肄業之地始
開寶中郡守朱洞首度其基創宇以待四方學者歷四十有一載
居益加葺生益加多李允則來爲州請于朝乞以書藏方是時
山長周式以行誼著祥符八年召見便殿拜國子學主簿使歸
教授詔以嶽麓書院名增賜中秘書於是書院之稱始聞天下

鼓笥登堂者相繼不絕自紹興辛亥更兵革灰燼什一僅存間
有留意則不過龕裏陋仍敝而又重以撤廢鞠爲荒榛過者嘆息
乾道改元建安劉侯下車旣別蠹夷姦民俗安靜則葺學校訪
儒雅思有以振起湘人士合辭以書院請侯竦然曰是故章聖
皇帝加惠亦方來勸勵養以風天下者也而可廢乎乃命郡
教授發源郭穎董其事鳩廢材用餘力未半歲而屋成爲屋五
十楹大抵悉還舊規小月闕里先聖像於殿中列繪七十子而
加藏書閣于堂之北旣成材從多士往觀焉愛其山川之勝棟
宇之安排徊不忍去以爲會是講習誠莫此也且也已而與多
士言曰侯之爲是舉也豈特使子習爲言語文辭之工而已乎
蓋欲就人才以傳道而濟斯民也惟民之生厥有常性而不能
以自達故有賴聖賢者出三代道入教學爲本人倫明小民親

而王道成夫子在當時雖不得施用而兼愛萬世是開無疆之傳果何歟曰仁也仁人心也率性立命知天地而宰萬物者也今天目視而耳聽手持而足行以至於飲食起居言動之際謂道而有外夫是烏可乎雖然天理人欲同行異情毫釐之差霄壤之謬此所以求仁之難必貴於學以明之歟善乎孟氏之發仁深切也齊宣王見一牛之觶觶而不忍則教之曰是心足以王矣古之人所以大過人者善推其所爲而已矣論堯舜之道本於孝弟則欲其體夫徐行疾行之間指下見孺子匍匐將入井之時則曰惻隱之心仁之端也於此焉求之則不差矣嘗試察吾事親從兄應物處事是端也其或發見亦知其所以然乎苟能默識而存之擴充而達之生之妙油然而中則仁之大體豈不可得乎及其至也與天地合德鬼神同用悠久無疆變化

莫測而其初則不遠也是乃聖賢所傳之要從事於斯終身而後已可也雖若閒居屏處庸何損於我得時行道事業滿天下而亦可加於我豈特爲不負侯作新斯宇之意哉旣侯厲栻爲記遂書斯言以勵同志俾毋忘侯之德抑又以自勵云爾

請檢尋文及甫究問獄案牘

龔夬 麗州人

臣竊聞自古姦臣戕敗善類以防後患必置之死地而善人脩身無太過失欲求其罪惡之實而不可得故託以悖逆無驗之罪又慮其異時子孫訴理於朝故必欲滅族而後已此自古姦邪之常態也臣近觀前日文及甫之書究問之獄不意茲事出於聖朝使愚臣痛心疾首感憤流涕臣竊惟宣仁聖烈皇后擁佑先帝慎擇累朝重望之臣賓之左右輔道德彌綸朝政九年之間中外安靜此天下之所共聞也前日止緣一二姦邪嘗被

黜逐遂敢欺罔朝廷成此大獄以報私讐必欲族滅無辜以快其意當是之時天地變色日月無光積陰踰時中外訥懼以至彗出四方譴告甚著先帝爲之肆赦求言以答天戒而姦臣之忿不已持之益堅由是逐臣死於瘴海家族不許生還至有一門二十餘喪者然則雖無刀鋸其實族滅也朽骨銜冤沈魂爲厲以及於斯痛不忍言今及甫等罪上賴聖斷已行竄斥而當時祕獄必有案牘章疏可以見其鍛鍊文致附會欺罔之人若不早行根究必將藏匿焚滅無所歸咎則天下何以知其非先帝之本意伏望聖慈特賜膚旨請乞檢尋當時照證文書以正姦臣之罪以慰天下之望

元

建府學記

林應隆

皇帝體元開統撫有方夏遐邇通畢臣至元十三年春正月下潭
州士民案堵如故越三日學宮偶弗戒于火悉焚之潭爲東南
名藩業文者半是學尤不可一日廢聖朝以潭分荆衡間倚五
嶺控重湖分行省鎮焉故名公賢相來蒞斯土者率以學爲重
事第大邦新定多務未遑明年政脩人安平章公有命依舊址
創新學首歸惇立所據地維給木以助而爲之倡方鳩工集材
而有征海之從迺委府官董厥事西晉成校督厥工學徒慶悅
師作友應富獻財貧效勞翕然相與經始瞻學有士多荒少除
日廩給外罄其所有以供費逾年而後成宏壯美麗視前有加
初廟立屋峻甚市瓦小弗稱官復昇以巨且厚者覆焉於是有
殿歸然有堂巍然三門前峙兩廡傍翼可以安神棲奉祀薦可
以集生徒肄事業矣雖齋宮祠庭廩庾帑庖涖沐悉備亦次第

告勝成敗夫以非人新學之命各與攸居而學仍厄於火豈斯
文里時義耶不有大人出而爲之宗則斯道何所立歟且道不
能形而立固不以學之興壞而爲道之存亡然有學斯有教教
之所在道之所在也是以前代帝王莫不有學虞曰庠夏曰序
周曰塾宮室庠於東序於西塾於西雖一家猶有孰皆所以
脩道也故學莫盛於四代迨漢學猶倣古而人昧於道始以儒
名家自儒家之名立而後人爭以儒家自名而道其所謂道吁
道一而已外此豈他有所謂道亦非吾脩身齊家治國平天下
之道也此由漢以來千百年間治日常少亂日常多替斯道不
明之故夫所謂道者仁義禮智信君臣父子夫婦昆弟朋友之
倫是以古之人凡脩身齊家以至於治國平天下率不外是蓋
人之生也皆有是性皆有是倫不由斯道則非人矣此教之所

以不可不明而學之所以不可不建否則人道其能一日立乎
孟子曰有王者起必來取法焉以有天下者必有學也今上混
一于寰州縣皆有學治理風化將遠追帝王之盛是以公奉命
此來不待思爲投文而坐脩庠序之教者可謂知所本矣自今
以往吾黨之士群趨新學蓋知所以立教之意相與學問思辨
求吾所謂道而共行之窮則善其身達則施諸人庶幾化行俗
美指世爲安斯無負我公今日主張大教興復斯文之盛心公
爲人正直方大得相臣體其愛民望士皆本於誠下江南百餘
城猶破竹之易功成不伐惟以撫百姓爲念安富恤窮興利除
害孜孜其勲在社稷而德及生民者矣躬建行省其壯麗旣
足以示人威又前立譙樓鼓角以悚人瞻今文廟一新氣象宏
美誠爲南州冠矣政教可謂兩盡非知所本能如是乎是不可

以不記

重建本府大成殿記

節文

李琳

天曆元年冬龍飛御極綸音誕敷申飭學校風化之源敦勸勉
勵而郡之文廟適完巍冠湘楚先是泰定四年冬大成殿舊延
及齋舍廊廡祭器所儲惟宣明閣巍然存庾廩積糧仍墻其時
憲府建明相聞議克合諏規模一新是圖而郡集州邑之官
于潭者教禮勸誘尚義而家贍給者歡踴力協有不俟勸而樂
輸者輦其所助如車兩輪翼六翮於是雍樛翳奮瓦礫堅弘其
樨杵築並作以明年夏四月甲午程工盡堵鉅材碩植輻輳而
至匠石輸與各當其任六月壬子大合樂舉脩梁參凌雲湧醪
牲歌偉憲使大中王公克敬是日集寮案致祀奠宣中奉公
問問廼屬鈞相奉旂歡聲聚唱輶踵至愈加